

Aprèl 18, 2008

Niuggutitsijet Nunatsiavummi katimatitsigiattulâtut Ecuador-imut

katimattet kiggatullutik ilonnainik tallimanik nunagijaujunnik Nunatsiavummi, Parks Canada amma Nunatsiavut kavamanga ilauKataulâtut niugguliginnimut Ecuador-imi Mai 5- 21-imut.

“Niugguniujuk ilinniagutaulâtut sakKititsigiamik kenaujaliugutaugunnatunik, sivulinnimik ammalu isumatsasiugutitsanik niuggutitsijiugiamut Nunatsiavummi,” uKajuk Kristy Sheppard, Aulatsijik Niuggutitsinimmut Nunatsiavut SuliaKapvingani PiusituKaliginnimut, Pingguanimmut amma Niuggutitsinimmut. “Nunatsiavut niuggutitsinimmik pitsianiKagajattuk. Tamanna niugguniujuk pivitsaKatitsilâtut ilauKataujunik takutsigiamut piunippaugajattumik amma piunginippaugajattumik niuggutitsinimmik illigijautlatumik.”

Niugguniujuk ilautitsimujuk aisongugiamut Galapagos Islands.

“Ecuador amma Galapagos tigujauluatsimajok niugguvillagiummâninik adjiutigalallutillu Nunatsiavummik,” uKajuk Sheppard. “Sadjugiammejok piusituKaKallautik takuminattolullutillu niugguvigigiangit.”

Nunatsiavut ikajuttingit niuggutitsigiamut, uKajuk Ms. Sheppard, nutâmik suliatsaKajut – sakKititsigiamut niuggunitsanik ammalu ilisimajaugialinnik tallimani nunagijaujunni piulimajaugunnatunik, tumiKatitsigunnaluni, amma nalunaitsiluni sananguagusiujunik, nunamik, piusituKannik ammalu adjunginninganik Nunatsiavut.

“Ecuador amma Galapagos sakKititsisimajok nunalinni ikajuttigennimik ilingajunik nunatsualimâmmut niuggutitsinimmik,” uKajuk. “PitaKammijut silakKijâpvini ammalu piulimautinnik, kenaujaliugutuagunnatunillu ammalu sadjugiap imangani aulatsiniKallutik. Niuggunik sakKititsiniattuk niuggutitsinitsanganik Nunatsiavut taimâtsainak pijumik Ecuador amma Galapagos.”

Niugguniujuk kenaujaKattitauniattuk atâgut SilakKijâpvini SukkuijuKappat Ikajutiugunatukkut AngiKatigennikut, taijaugusingatut Labrador Inuit Nunamik Satusinikkut AngiKatigegutingani.

Kaujigiallagumajut Kaujititsigunnatut:

Kristy Sheppard, Director of Tourism
709-947-3568